



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 133. Equites Ordinis S. Michaelis creati.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI. non deerant tamen, qui hæc fuisse interdita spargerent ad preces Cardinalis Lotharingii, Viri alias timidi, qui cum sibi multos infensos esse sciret, semper sibi a suis hostibus periculum imminere pertimescebat. Paulo post insuper fuerunt revocatæ omnes Patrimonii Regii alienationes perperam, & in fraudem factæ, licet pensionis, aut alterius cujusvis donationis nomine etiam ex meritorum proemio factæ fuissent, a qua tamen lege possessiones eæ excipiebantur, quæ regiis filiabus pensionis loco, aut in dotem datæ sunt: insuper sub hoc decreto non fuerunt comprehensæ aliæ donationes a Regibus concessæ, quæ tamen singulæ articulatim enumerabantur.

§. CXXXIII.

Equites Ordinis S. Michaelis creati.

Thuan. l. 27. **Mezer. t. 5.** **d. 12.** Post hæc Guisii, ut plures sibi clientes devoverent, Regi Authores existere, ut quosdam Ordinis S. Michaelis Equites crearet. Annuit Rex, moxque eorum octodecim cooptavit, qui numerus certe major erat, quam unquam ab Anno millesimo quadringentesimo sexagesimo nono, quo Ludovicus IX. hunc Ordinem instituerat, factum esse constat. Peractis hisce solemnibus Rex Barum venit, atque ibi, cum Catharina Medi-

Medicæa ejus Mater, ac Guisii id sua-
 derent, jam tum actum, ut Rex supre-
 mum jus, ac Imperium, quod in Bar-
 rensi Principatu habebat, in Lotharingiæ
 Ducis sororii sui gratiam abdicaret: un-
 de Franciscus II., cum nimium facilis ef-
 fet, atque ob ingenii sui imbecillitatem
 hujus consilii perversitatem haud appre-
 henderet, Reginæ sollicitationibus a-
 quievit, editoque Regio diplomate om-
 nibus in Barensem Ducatum juribus se-
 se abdicavit, sibi duntaxat reservato fi-
 delitatis juramento, homagio, ac ju-
 risdictione. Postea Rex Barro Catalau-
 num ad Matronam, & inde fontem
 Bellaqueum processit, ubi aliquo tem-
 pore substitit.

Sæcul. XVI.
 A. C. 1559.

§. CXXXIV.

Calvinistæ Parisiis severe castigati.

Interea ad reprimendam Calvinistarum
 proterviam opportuna quærebantur
 media; nam hi indies audacia, & pe-
 tulantia magis, magisque crescentes
 ubique seditiones concitare, ac plena li-
 bertate in variis Provinciis suos con-
 ventus agere cœperant: ut ergo ejus-
 modi ausibus obviaretur, Franciscus II.
 edictum promulgari jussit, quod Anno
 Christi millesimo quingentesimo quin-
 quagesimo nono die vigesima tertia No-
 vembris ad Parisiensis Senatus tabulas

Belcar. com.
 l. 28. n. 37.

Q 2

rela-